

Äs paar Müschterli:

Z'Rotä isch wieder rot, und z'blauä wieder blau  
 Nüuniformierig bi der Röllizunft Gersau  
 Diä alt Uniform hättis sicher nu ta  
 Jä nu – jetzt hendsi mier hald ah



Üsi Lieblings-Schwyzler, he ja nu so de  
 Hedmer scho ewigs lang nümme gseh  
 Diä schönä Koschtüm sind fascht am verruchä  
 Oder cha öpper nü es paar farbigi Vorhäng bruchä



Z'Loch vu der Doris oder das vom Franz  
 D'Nati-Liibli hend scho gli ä Schranz  
 Üsi Vermuetig isch – hend fascht chli Schiss  
 hend's ächt alls vom Mister Plyss



Sattel anstatt Seattle, Lauerz anstatt London  
 Ried anstatt Rom, Bristen anstatt Boston  
 Bitte nu nid grad bim Bartlivater bueche  
 Dönds schläuer nach der Fasnacht versueche

Bim Fүүrwehrlökal entstad es speziells Huus  
 Für Asylsuechendi sig's, mängä chund nid drus  
 Als Gägäleischtig mönd's – diä liäbä Asylantä  
 Fүүrwehr-Schlüch butzä und au Hydrantä



Der Donald Trump cha alles verbietä  
 Chamer ächt der au so quasi mietä  
 S'wär nu guet nähmt er bi üs ä Rutz  
 Und undernähm öppis i Sachä Ortsbildschutz



Ä Güselwage heder z'Gersau poschtet  
 Ä Täll us Holz – was das ächt choschtet  
 Chum furzt der PäuK, cha si was wott  
 Am anderä Tag stah'ts garantiert im Bott



Z'Glück isch der Lara a der WM nid hold  
 Defür gits für Holdener, Aerni und Feuz Gold  
 D'Abfahrt spektakulär – d'Sprung usinnig wiit  
 Der Simon Ammann erblasst vor Niid

